

234  
56  
Zwey schöne newe geist-

liche Lieder/das erste: Vom fall Adam vnd  
Eue/ Im thon: Ich gieng ein mal spazieren.  
Das ander: In meines Herren Garten/ 2c. Im  
thon: Entlanbet ist vns der  
Walde/etc.



57

**E**s gieng ein mals spazieren.  
Ein wäglein das was klein / Dar  
ab thet mich verführen / Mein  
fleisch so gar vnrein. Das voller Sün  
de was / Die Schlang hat vnns betro  
gen / wir hands von Eua gsohen / d  
sic den Apffel aß.

Es stunde ein Baum im mitten  
des heiligen Paradies / Gott hat vn  
den verbotten / mit sampt der selber  
Speiß. Der lustig Oepffel trug / Di  
Schlang thet vns beredē / solch frucht  
vns nicht würd schaden / sie macht vn  
weiß vnd klug.

Es war jetzt schon vorhanden / a  
vnghehorsamkeit / Gott trib vnns au  
mit schanden / in grosser klag vnd lei  
Mit Regen vnd mit Wind / Anfahe  
mussten wir bawen / Gott alle dinn  
vertrauen / ernehien Weib vñ Kind

235  
Eins mals so thet vns frieren/ eins  
mals so war vnns heiß/ Musten also  
verzeren/ dem leib wol seinen schweiß  
die arbeit thet vnns wee / Gott wöll  
noch vnser walten/ vnd alle frucht er-  
halten/ vor reiff vnd auch vor schnee.

Da waren wir verloren / als die ges-  
chriefft zeigt an / ein Junckfraw hat  
geboren / den seligmacher schon. Der  
vnser Sünd hin nam / Der trost ist wis-  
der funden / Gott sey gelobt der stun-  
den / die wir erlebet han.

Gott hat gemacht die Element/  
den Himel vnd die Erd / Daran ges-  
felt das Firmament / damit dz liecht  
vns werd. Der Klare Sonnen schein/  
schickt vns durch seinen segen / frucht-  
bare Tau vnd Regen / zu pflanzen  
Born vnd Wein.

A ij Die

Die Fisch ins Wassers klüfften / zu  
aller menschen speiß / Die Vögelein in  
den lüfften / zu Gott des Herren preiß.  
Darzu der Eulen gschrey / Die Thier  
in Wälden springen / Fraw Nachtig  
gal thut singen / auff manchem grü  
nen zweig.

Darumb so sollen wir loben / den  
lieben trewen Gott / im Himmel hoch  
vort oben / allezeit frü vnd spat. Denn  
wir sind seine Kind / das fasset wol zu  
herzen / Gott wil vns hie on scherzen /  
verzeihen vnser Sünd.

Hiemit so wil ich enden / wol dises  
Liedlein klein / Gott wöll zum besten  
wenden / sein trewe gnad allein. Die  
werde wol betracht / Christum den sol  
wir preisen / der leib vnd seel thut spei  
sen / hat vns den fried gem acht.

Bey

Hey dem wir sollen bleiben / jezund  
vnd allezeit / Davon nicht lassen trey-  
ben / dieweil Gott gnade geit. Dann es  
ist jezund dran / das jeder sich thu rü-  
cken / hüt sich vor weltlichen lüsten / das  
mit fahr ich davon.

### Ein ander Lied.

**I**n meines Herren garten / wach-  
sen der blümlein vil / der Glaub  
thut sich schon warten / die Lieb  
sein pflegen wil / Mit getrewem Herz-  
gen / in gedult vnd trübsal vil / Falsch  
Lehr bringe solchen schmerzen / Ver-  
nunfft treibet das spiel.

Von dem Glauben alleine / sing ich  
merck auff mit fleiß / Ein Christliche  
gemeine / die sich der warheit fleißt / In  
rechter lieb vnd trewe / einander zu  
helffen

helffen schon / Es wird dich sonst ge-  
rewen / dein falsche Oponion.


Der rechten Lehrer stimmen / Hört  
man im ganzen Reich / Dardurch  
falsch Lehr verschwindet / das Wort  
von dir nicht weich / Tring auff die  
Sacramente / wie vnns verkündet  
wird / O selig ist der mensche / der sich  
hierinn nicht jrrt.

Die Blümlein die schön blüen / jr  
frucht ist Glaub vnd lieb / Den Flech-  
sten nicht betrüben / mit vntrewer bes-  
gir / So thut vnns Gotts forcht brins-  
gen / hoffnung vnnnd alles gut / Hilfft  
Tleyd vnnnd Haß verdringen / Gotts  
Wort helt dich in hut.

Von dir will ich mich scheiden / O  
Welt ich meine dich / Es möcht dir  
werden leide / das du verachtest mich /  
Mit

Mit deinem thummen sinne / Treibst  
hohen vbermut / Vernunfft ist leyder  
blinde, erwehlet böß für gut.

Gedruckt zu Nürnberg  
durch Valencin  
Neuber.



Faint, illegible text at the top of the page, possibly bleed-through from the reverse side.

Handwritten characters: *g g b g u*

Handwritten characters: *w n g*

Handwritten characters: *n n g*

Handwritten characters: *n u*

Handwritten characters: *g p*

W  
m  
st

dae  
den

